

pastor. Cum ergo omnis populus dei, tanto pretio redemptus et adunatus, unus grex sit sub uno pastore et omnes huius gregis pastores per unitatem fidei et unanimatem sollicitudinis tanquam unus pastor existere debeant sub uno et in uno principe pastorum, tanta necesse est sint caritate uniti, tanta spiritus societate copulati, ut invicem *onera*²²⁵ 5 sua libentissime compartiantur et portent, et sit eis instantia cottidiana sollicitudo omnium ecclesiarum, ut *si*²²⁶ *quid patitur unum membrum, compatiuntur omnia membra, sive gratulatur unum membrum, congaudeant omnia membra.* Haec enim semper sollicitudo in beatis apostolis, haec in beatorum apostolorum successoribus, id est ecclesiarum dei rectoribus, fuit^e: Unum gregem dominicum, unam religionis custodiam, unam matrem ecclesiam una mente diligere atque unanimi devotione servare. 10

CAPUT II. Quapropter obsecramus christianissimam pietatem et gloriosam sublimitatem vestram, ut religiose regni dei constitutos 15 ministros et populi christiani rectores et divinae religionis atque ecclesiasticae sanctitatis conservatores ac defensores, ut ea, quae pro salute animarum fidelium et christiani regni conservatione ac tranquillitate emendanda suggeruntur, cum divini timoris honore et metu futuri iudicii audiat, audita iusto iudicio examinetis, examinata competenti 20 severitate rescetis. Nihil enim ita omnipotentis *dei*²²⁷ *iracundiam* exasperat et regni pacem perturbat ut contemptus divinae legis et conculcatio paternae auctoritatis et profanatio ecclesiasticae munditiei et sanctitatis. Unde adversum^f impios legis suae contemptores ipse deus loquitur dicens: *Et*²²⁸ *oblita es legis dei tui, obliviscar filiorum tuorum* 25 *et ego.* De quibus et alibi scriptum est: *At*²²⁹ *illi subsannabant nuntios dei et parvipendebant sermones eius, donec ascenderet furor domini in populum suum et esset nulla curatio.* Redeat ergo semper in memoriam lex dei, nec spernantur ac subsannentur nuntii dei, sancti videlicet patres antiqui, de quibus ipse dominus in evangelio dicit: *Qui*²³⁰ *vos* 30 *audit, me audit, et qui vos spernit, me spernit.* Habeat vos sancta mater ecclesia pios pudicitiae et castimoniae custodes ac defensores. Quae in

e) fecit *Si.* f) adversus *Si.*

225) Vgl. *Gal.* 6,2.

226) *1. Cor.* 12,26.

227) Vgl. *Deut.* 4,25 u. ö.

228) *Osea* 4,6.

229) *2. Paral.* 36,16.

230) *Luc.* 10,16.